

— 438 —

- 54^v] Der vroun antlitz dâ wart enbliuet
 1956 Und enzunte sich ir gemüet.
 Dô sie hôrte disiu mære,
 Daz ir muomen sun wære
 Gewesen in solhen nœten,
 1960 Do began sich vaste roeten
 Ir wängelîn und ir munt,
 Rehte sam si wærn enzunt
 Und darnâch bleichvar wærn vor leide,
 Und wart dô vrâgen ander weide
 1965 Den barzivâl, obz möhte sîn
 Her Soldemach von Coradîn,
 Den der kristen het ernert.
 'Jâ' sprach er 'vrou, in het verzert
 Der wurm wan des kristens lîp.
 1970 In sülen êren alliu wîp
 Durch sînen manlîchen muot.
 Vil wunders durch ein wîp er tuot.'
 Er wart gehandelt dester baz,
 Der knappe der sîne rede maz
 55^r] Sô zühtlîch, sô schône und eben,
 1976 Im wart des besten wînes geben
 Und der bizzen, dâ er saz
 Ze tische und mit den andern az.

55. *Initiale.* wart zu streichen? erbliuet? 60. begundt.
 61. Ire wenglich. 63. *Roethe schlägt vor:* Diu dannoch wâren
 bleich vor leide 'die eben noch bleich gewesen waren'. 69. wan]
 dan. 72. er durch ein weyb.